



Inatsisartuni ilaasortat Sivert K. Heilmann & Knud Kristiansen, Atassut
/ Maani

Kangaamiuni illu B 221 pillugu § 37 naapertorlugu apeqqummut nr. 2012-056-imut akissuteqaat

Asasara Siverth aamma Knud

Inatsisartut suleriaasianni § 37, imm. 1 naapertorlugu apeqqutissinnut qujanaq, taannalu imatut nipeqarpoq:

- *Kangaamiuni illorsuaq B 221 inuerunnikoq isaterisoqarnissaanik pilersaaruteqartoqarnerluni?*

Kangaamiuni B 221 pillugu kingullermik apeqquteqarnissi (2011-mi marsimi) kingorna A/S Inissiaatileqatigiiffik INI isaterinissamut neqerooruteqartitsinissamut najoqqutassanik suliaqarluni aallartippoq. Tamanna 2011-mi pisussaasimagaluarpoq, kisiannili illup eqqagassartai Maniitsumut assartorneqartussaammata akuersissummik immikkut ittumik piniartoqartussaasoq suliap ingerlanerani paasineqarpoq. Tamatuma kingunerisaanik suliassamut piumasaqaatit allanngortinneqarput aammalu A/S Inissiaatileqatigiiffik INI immikkut ittumik aningaasartuuteqartussanngorluni, taakkulu uppersarneqareerpata akuerineqareerpatalu neqerooruteqarnissamut najoqqutassat 2012-imi maajimi/juunimi suliariumannittussarsiuussilluni nassiunneqassapput.

Suliassaq 2012-imi ingerlanneqartussatut pilersaarutigineqartoq, A/S Inissiaatileqatigiiffik INI ilisimatitsissutigineqarpoq.

Neriuppunga akissut naammagisimassagissi.

Inussiarnersumik inuulluaqqusillunga

Jens B. Frederiksen

07. marts 2012
Sagsnr. 2012-062505
Dok. Nr. 844629

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl